



TUHAAYAGHAT

HAVAGUIQTA A NIRB-KUNNUT IKHIVAUTALINGANIK ELIZABETH COPLAND NUTAAQLU NIRUAQTAKHAQ IKHIVAUTANGUQTIKHAMIK MARJORIE KAVIQ KALURAQ

IQALUKTUUTIAQ, NU – MARCH 7, 2019: Ublumi Ikhivautalik Nunavut Avatilirinirmut Katimayiinginnut (NIRB-mik Katimayiinginnulluuniit) Elizabeth Copland uqalihaaqta havaguiqtuq NIRB-kunniit March 29nguqqat, 2019mi. Ms. Copland tikkuqaqtayuuq Ihivriuqtiulluaqniaqtuq Tuqungayunik Nunavunmut, havalihaaqniaqtuq April 2019mi. Uqaqtaminik:

“Niriuktuugaluyunga havaariliriamni una nutaaq akhuurutayuuq ihumagilluaqtauyuuq havakvik, kingun’nginnaaqpakniaqtara alianaqpiaqtuq ilaupkaivigiyaayuqlu havaaq NIRB-kunni pivikhaqautihimmaarninngalu Katimayiit amigaittut ihivriuqningit ikayuutigiyayuuq ihuarhainiqmut havauhikhat. Taimaa 20nik ukiunik havakkama NIRB-kunniit tuhaavaktunga naunaittuq amigaitpiaqtumik tautuktunik, munariyatka amigaitpiaqtumik katimaniq, katimatinagait katimaniq, katimayiikput katimapkaipugit tuhaqtakhaptiknik, ikayuqtauyugullu piqariami aadlanik Katimayiiik, Iniririiniit, inungnit, ayuittiaqtunit, havauhikhamut ikayuqtiuyut ukuallu ilaungittullu uqariamiknik atuqtamiknik havaktilluni ayuitaminiklu uvamnut Katimaqatigiitkalu. Kingun’nginnaaqpakniaqtara Katimaqatauyunut havaktingillu ikayuqtaanga taimaa havaktillunga Katimayiiinut akhuraaluk itqaumavakniaqtatka havaktillunga NIRB-kunniit.”

Una havainiq atulihaaliqmat NIRB-kut uqaqtait Nan’ngariyayuuq Dominic LeBlanc, Ministayuuq Inuuliriyiitkut unalu Iluanit Havaariyakhaa **Ms. Marjorie Kaviq Kaluraq** tikkuqaqtayuuq NIRB-kut avaliittuq niruaqtauyuuq Ikhivautanguqtukhamik. Ms. Kaluraq havaariliqta Katimayiinginni 2011mi tikkuqaqtukmat Nunavut Kavamanganit tikkuqaqtauffaaqtuq Nunavut Kavamanganit tuglianik pingahuaniklu katimayiuyukhamik NIRB-kunniit 2014mi 2017milu, inmikkut. 2009mit ilihapkaiyuyuuqlu Nunavut Ininiriit Iliharviat Nunavut Sikuuqtittiingurumayunut Ilihaiyut (NTEP); tadjalu 2018-2019 ittuq Jane Glassco Fellow, tikkuqaqtayuuq hakugikpiaqtumik hivuliqtiungungmat, qangaraaluknitanga nunallaani ilauniqmut ikayuqniqmullu, aliagivlugulu kavamatkunniit maliganganik ilauninngalu nakuuyumik piyuq nakuuyumik aadlanguriami ihumaaluutitut atuqtauyuuq Ukiuqtaqtumi. Angirmagu Katimayiit niruaqninga Ikhivautalikmut havaanganut, Ms. Kaluraq naunaiqta quviagiqpiaqta ikayuriami NIRB-kut taimaa 2011mit quviahuktumik piniqta pivikhaqautinga pihimmaariami una akhuurutayuuq havaakhaq Ikhivautalikmik.

Katimayiingit quviagiyaat Ms. Copland amihunik ukiunik akhuuqtumik havakmat Katimayiuyumik unalu Ikhivautalikmik NIRB-kunniit nakuuqpiaqtumik pitquyaa nutaami havaakhangani Ihivriuqtiilluaqmik. Katimayiillu ihumagiyyut ikayuutinga Ms. Kaluraq ayuitaminik nakuuyumik havakhimmaarninnga NIRB-kunniit tautuktauniaqtuq quviagiqpiaqtumik ihumagiyaulliqtat tikkuqaqtayukhaq NIRB-kut Ikhivautakhunguqtukhami.

Naunairyuumirumaguvit, uqaqtigilugu: Ryan Barry, NIRB Tukimuaqtittiyyi
1-866-233-3033 uvungaluuniit rbarry@nirb.ca